

## Lyrics „Le Sponsor d’Or“

Verse 1:

Pickel im Gsicht und fettigi Haar  
Informatiker sind eifach alli furchtbar  
Gamesüchtig, sozial inkompetent  
Das isch’s Bild wo viel vo Informatiker hüt hend  
De liebi langi Tag im Cheller umehocke  
Und ganz elei vorem Bildschirm zocke  
Das Image muss vergesse ga  
Für das isch IT-dreamjobs da

Verse 2:

Mir händ mal mit paar Informatiker gredt  
Si sind irgendwie ebe scho no nett  
Und glaubeds eus ufs Wort  
Si mached sogar Sport  
Si tüend nöd nur de Compi verwalte  
Sondern mit Programmiersprach eusi Zuekunft gstalte  
Verkehr stüüre, Energie spare, operiere, online shoppe, kommuniziere  
Ohni Informatik würd das alles nöd funktioniere  
(nöd funktioniere, nöd funktioniere, nöd funktioniere)

Chorus:

Mir hend z wenig Lüt ide Informatik  
Das isch hützutags eusi Problematik  
D Lösig für me Nachwuchs isch IT-dreamjobs  
Mer bruuched in Zuekunft me Lüt vor de Laptops  
Zum die Junge überzüge da wemmer nöd lüge  
Mer bruuched aber Geld für Informatiker ide Welt

Verse 3:

Gstartet hemmer in Züri und Bern  
I di ganzi Schwiiz usbreite würdemer gern  
Mir hend Migros, Post und UBS  
Aber glich chömemer mitem Geld voll in Stress  
Au mit de Ergon und de (stadt, stadt) Stadt Züri  
Langets eus (no, no) no nienets hii  
Chum doch au uf d (über) Überholspur  
Für me Lüt (ade, ade) ade Tastatur

Verse 4:

Mer förderet de Nachwuchs i dem Bereich  
Das isch alles andere als en dumme Seich  
Das Aliege betrifft sehr sehr viel Lüt  
Vor allem morn, nei nöd nume hüt  
Me Informatiker das isch s gmeinsame Ziel  
Zücks Portemonnaie, überleg nöd so viel  
Plündere din Tresor  
Und au du wirsch Sponsor  
(ah, le sponsor d'or, le sponsor d'or  
le sponsor d'or, le sponsor d'or, le sponsor d'or  
le sponsor d'or, le sponsor d'or, le sponsor d'or)

Chorus:

Mir hend z wenig Lüt ide Informatik  
Das isch hützutags eusi Problematik  
D Lösig für me Nachwuchs isch IT-dreamjobs  
Mer bruuched in Zuekunft me Lüt vor de Laptops  
Zum die Junge überzüge wemmer nöd lüge  
Mer bruuched aber Geld für Informatiker ide Welt